

欽定戶部則例

第 兩

74

6643

9



74
6643
9

欽定戶部則例卷十五



倉庾一

各倉收儲事宜

各倉開放事宜

修理廩座事宜

收較斗斛事宜

各官支領俸米

熱河糧餉事宜

各營支領甲米

同治三年校刊

戶部則例卷十五

倉庾

二目錄

<99-1206>

割放承買豆石

割放圈馬豆石

京通各倉驗耗

直省各倉開耗

新疆各倉開耗

撥運漂失米穀

欽定戶部則例卷十五

倉庾一

各倉收儲事宜

一內倉歲儲漕白二糧由倉場侍郎撥運其直

隸省歲解芝蔴屯豆由部割收

一凡歲漕抵通不論正兌改兌分儲京通倉白

糧專儲通倉麩麥黑豆專儲京倉儲濟萬安舊太海運

四倉專儲黑豆蘇米南新舊太海運北新凡

富新興平萬安裕豐儲濟十倉專儲麥石

種稔粟三色倉場侍郎均勻派撥儲豆麥倉

廠減配米數每廠儲米不論正兌改兌各以

紅斛米壹萬石正兌紅斛米壹萬石起運係以貳伍加耗計平斛米壹萬

貳千伍百石改兌紅斛米壹萬石起運係以壹柒加耗計平斛米壹萬壹千柒百石為

額不許盈縮如有零數別儲一廠以便稽覈

一通州西中二倉每年派儲種稔二項米石新

陳接算不得逾壹萬石之數

一每年新漕進倉時倉場酌量舊存各色米石

均勻派儲並將某倉存儲某年分各色米石

若干造冊先期咨部存案

一新漕進倉備足封固之廠於廠門上簷空板

肆伍尺宣通蒸氣俟入深秋全行封閉仍報

明查倉御史稽覈

一各倉驗收漕糧以坐糧廳紅單到日為始京

倉限十日收完通倉限七日收完內倉通倉

驗收白糧於幫丁一經轉運抵倉投文後均

即查驗收儲限十日給發同照如有逾限倉

場衙門查明叅辦其各倉印結倉收俱轉移

坐糧廳令運弁投遞完呈完呈內註明漕白糧石於某日收完

一凡正兌米石每石計收耗米壹斗肆升肆合

玖勺肆抄改兌米石每石計收耗米捌升叁

合陸勺捌抄

耗米細款
另詳專條

一起運漕糧內原給旗丁餘米每石叁升捌合每正米

交完後該監督覈明實餘數目報明倉場侍

郎加結咨部給價收買顆粒不許出倉粳米

每石給價銀柒錢稜米陸錢粟米伍錢

一凡成包起運白糧經坐糧廳稱盤包內斤數

不足鈐印知照到倉者

白糧每包壹百陸拾
斤合壹石過壩稱盤

詳漕
運門倉場侍郎親詣過斛覈明短數責令旗

丁補足正交有餘照漕運例顆粒不許出倉

該監督覈報倉場侍郎加結咨部給價收買

不論粳糯糙色概照漕糧粳米價值給發

價見

前條

一凡歲運小麥到倉不論麥色黃白顆粒大小

一律驗收紮固收儲所需繩席銀兩於通濟

庫支銷

一起運京倉糧石由大通橋抽掣外到倉仍加

抽掣起運通倉糧石直由該倉抽掣每伍袋

袋抽掣壹袋如壹袋短少餘照數均賠

抽掣
者欠

定數詳
漕運門

一坐糧廳大通橋掃收每運零撒土米由夷平倉驗收與該倉成色米一例待糶

一各倉進米由倉場侍郎指廢飭收並將陳廢封固俟收竣該侍郎會同查倉御史親丈覈足收儲將驗收米數收儲月日經營監督吏攢姓名標置廢門封固註冊報部

一各倉收受漕糧既竣開具揭帖呈報倉場侍郎並於十日內分填連三編號印單一呈倉場侍郎一移坐糧廳一留倉備案所具揭帖亦挨次編號填註經承姓名揭內字跡不得洗補該倉場衙門收到揭帖按號粘連鈐印備覈

一各倉收放米豆遇有狼撒均令隨時掃收篩颺潔淨作正支放其篩出霉黑不成顆粒米豆該倉監督覈明成色呈報倉場侍郎派員

查驗相符報部發五城糶賣

五城糶賣土米詳見專條

一內倉收受漕白糧石由倉場侍郎飭令坐糧廳於給發紅單時卽催幫丁迅將文冊席片米樣一併交納遵照十日例限查驗收儲倉役人等有需索使費無故遲延由戶部從嚴懲辦仍將該倉監督叅處

各倉開放事宜

一閏月甲米向係查明年分最陳之米覈割三倉近年倉儲之米年分相等並無陳米可割議將下月輪放甲米三倉作為閏月開放以後每月旗分倉口挨次遞推
嘉慶八年
一支放米石令該監督每月放米全完卽將零廢空廢字號申報並將存儲米石若干造冊報部仍將零廢內所存米樣包封送部以便與下次接放時所送米樣較對覈辦

一廩座次序以所儲之米新陳爲定每月應放
三色米石應令倉場預爲覈明派定挨陳廩
座字號飭令該監督將應放米數分晰年分
詳註廩名造具清冊於上月二十五日以前
送部仍令該監督將每月放過米數若干出
具並無花戶人等攙和情弊切實印結送部
查覈

一京倉放米如遇六七兩月雨水較大報部酌
量展限仍不得過十日若尋常雨澤適均不

准藉詞請展

一山東河南運到漕麥如遇麥價昂貴之年發
交各城照市價出糶糶獲價銀解交部庫如
無須平糶年分麥賤於米抵作俸米支放麥
貴於米抵作甲米支放

一河南省歲運白麥除內務府光祿寺等處支
用外餘贖麥石次年仍加謹存倉留備蠲緩
年分應用至又次年新運到通卽將最先餘
贖之麥與漕麥一律搭放

一 圓明園三旗營房人員每季米石就近在豐益本
裕二倉支領

一 萬安東西兩倉開放米石先儘年分最陳之
光緒米如此倉陳米足敷開放不許再開彼
倉致滋弊竇如一倉陳米不敷必須在彼倉
找放仍照挨陳之例辦理不得越次支放

一 圓明園暨外火器營健銳營官兵關領俸甲米石

向在本裕豐益二倉支領除

圓明園照舊辦理外

分左右翼
坐派兩倉

其外火器營坐落

藍靛廠健銳營坐落香山均距本裕倉較遠

夏秋多雨腳價倍增殊不足以示體恤所有

外火器營並健銳營官俸無分兩翼春季在

本裕倉支領秋季在豐益倉就近支領至外

火器營兵米無分兩翼夏秋兩季在豐益倉

就近支領春冬兩季在本裕倉支領健銳營

兵米無分兩翼夏秋二季按月在豐益倉就

近支領春冬二季按月在本裕倉支領遇閏均准隨季關支

一八旗官馬並各項官兵拴養馬匹及五營差馬等項每年共應領豆拾陸萬餘石照支放甲米之例令承領豆石之人眼同該監督一律勻放儻有任意攙雜等弊准領豆拴馬之人回明該管衙門查叅究辦

一江浙等省如遇風雨失調間有奏報青腰白臍之米抵通後由倉場侍郎驗明奏請另廠存儲先行開放俟青腰白臍之米放竣後仍按定本倉先儘年分最陳之米闡放如有不敷再將次陳之米添開闡掣並令各該旗內務府將各倉廩圖繪畫一分收存以便隨時覈對

一內倉遇有積存米石由戶部查明具奏改放八旗滿洲蒙古漢軍文武職任暨世職官員俸米並將所存米色量爲配搭

一內倉應放各項米石除各國

貢使及年班蒙古應領口糧毋庸定限外其在京衙門及各該處應領俸米口糧按季支領者予限六箇月按月支領者予限三箇月如逾定限不領將米豆存倉歸入正項支用

一各倉開放豆石以兩倉併割俟一倉放竣再按次接放一倉令該倉監督出具並無顆粒陳豆印結送部由倉場侍郎派委委員查驗屬實再儲新豆並令各倉滿漢監督一員在廠口監察一員在官廳檢查冊檔如僅委胥

役收放者責令該查倉御史指名參奏儻有患病等事毋得私相兼攝卽申報倉場派員署理以昭慎重

一各倉存儲各色米麥豆石統令該倉監督按月將管收除在數目及存儲廠座詳細開具清單分呈戶部倉場均限每月二十日報到其開除數內尤須將某日奉割開放某項逐一聲明另由倉場衙門憑各倉報單再行開具總單咨部查覈其並無收放之倉亦於單

內聲明均限每月二十五日送到如有遲逾將該倉監督照例議處

一各衙門應領米石除向由坐派倉口關領者仍照舊辦理外其向無派定倉口者由戶部堂官臨時親自派劄毋庸由承辦司分按次擬派

修理廩座事宜

一京通各倉修理廩座凡工程不及百兩者該監督估報倉場侍郎咨部請修數逾百兩者由倉場侍郎查倉御史咨報工部派員查估承修工竣咨銷貳百兩以上至于兩者工部奏明輪值堂官督率司員修理壹千兩以上工部奏明

欽派大臣查估承修均由戶部動項給發工竣題銷凡大小修工竣承修官職名及修理年月報

同治十三年校刊

戶部則例卷五

倉廩

銷銀數造冊存儲以備再遇興修覈明附卷
查覈

收較斗斛事宜

一各倉應用木斛照部頒鐵斛式製造面口包
裏鐵葉呈明倉場侍郎較準烙印若不請烙
火印私製行用者監督題參倉役究治

一各倉木斛每三年一製所需木料於隨漕解
通板內應用每張工匠鐵葉價銀柒錢於通
濟庫支銷

一各倉凡值收放所用斗斛每晚隨廠封儲次
早驗封給發通倉由倉場侍郎查驗京倉由

查倉御史查驗監放旗員一體覈較如與部
頒鐵斛稍有盈縮飭令隨時修整

一戶部印庫附儲鐵斛壹張詳漕運門鐵斗鐵升各

壹箇嘉慶十二年由工部照倉場鐵斗鐵升鑄造鐵火印壹柄道光

十五年由工部鑄造共肆件凡遇工部新製各處應需

木斛斗升派員赴部會較戶部亦派司員同

當月官於印庫內取出鐵斛斗升三面較對

如無參差將新製木斛斗升包裹鐵葉眼同

烙用火印給發領用該司員仍將鐵斛斗升

火印一並封妥附儲印庫

一易州運送

西陵八旗禮部工部兵役餉米及內務府家口米石需

用斛斗由倉場衙門如式製就較準烙印行

知工部亦如式製備一套一併送交戶部與

部存祖斛三面較準分頒易州及承辦事務

衙門各一套以備需用

各官支領俸米

一宗室王公及公候伯世職並文職三品以上

武職二品以上俸米暨通倉看倉兵餉米均

在通州中倉西倉支領其文職自四品以下武職

自三品以下世職自子男以下及筆帖式驍

騎校護軍校親軍校前鋒校俸米暨兵丁餉

米於在京祿米南新舊太海運北新富新與平太平萬安裕豐儲濟等十

一倉分季輪流就近關支今查倉御史稽查

辦理春季俸米自二月起秋季俸米自八月

同治三年校刊

戶部則例卷十五

倉庾

十三

起旗員限兩箇月按限放完逾限不完監督
並監放官一併議處如領米官員無故違限
不領將應領米石停給仍分別議處

一八旗滿洲蒙古漢軍並內務府官員應領俸
米該旗都統出給本旗總領交押旗參領等
先赴該倉換票該倉於該旗總領到時即按
照各佐領官員數目每員各換給米票一張
仍交該參領等領回發交各該佐領散給應
領俸米官員令其遵照定限自行赴倉關支

不得擅交舖戶領賣步軍統領衙門及順天
府嚴密稽察以杜米局併票之弊戶部於開
斛時行催各旗源源支領並令各倉按五日
一次報部以備查覈

一提督衙門副將春秋二季應支俸米照參遊
以下等官一體於在京祿米等十一倉輪流
關支嗣後如有衙門大米少之員一例辦理
一各倉應放俸米該監督先將應領各員造冊
送查倉御史事竣即將所收領票於三五日

內照冊註銷俟覈對清楚將領票呈送倉場衙門以備查覈

一王公大員每年應領粟米叁萬貳千餘石以

通州中西二倉支贖白米貳萬柒千餘石中

二倉每年收白米捌萬捌千餘石除運交內務府玖千餘石支放王公大員俸米伍萬貳千餘石應餘存儘數抵給不敷粟米仍以本色找足其餘粟米概行運儲京倉以備支放

甲米圖票之用

一各旗零檔補領俸甲米石應行補領條款詳載稟祿兵餉二門

按照例價折 蠟支領 江米每石壹兩捌錢白米壹兩陸錢次白米壹兩伍錢粳米壹兩肆錢稔米壹兩叁錢粟米壹兩貳錢

滿漢各員應領俸米分給各員米票赴倉支領其每石例給筒兒錢及票錢共制錢貳拾

文令各該員封交領米家人持赴該倉取具收票所領米石亦同甲米之例揭去氣頭移

儲空廢一律支領純潔米石

一各倉開放滿漢俸米責成各倉監督于開斛五日之先報部行文八旗及領俸各衙門換

票支領並令各倉于五日一次報部以備查
覈儻不遵照辦理至有逾限未能領清者戶

部卽行查叅將監督交部議處

道光五年奏准

一世職人員新放

盛京官員業已攜眷赴任願將應領世職俸米留

京作為祭掃之用者由旗查明取結送部准

其留京關支無世職者職任俸米由任所關

支不准留京支領

一王公以下及八旗世職並滿漢文職三品以

上武職二品以上應領江白次粟四色俸米

文職四品以下六品以上應領稷稞二色俸

米均於每員名下各覈減一成支領凡支江

白次粟四色俸米者統於次白米項下扣除

支稷稞二色俸米者統於稷米項下扣除其

餘應領各色米石仍令照舊定數目開造並

將覈減次白米及稷米若干實領若干在於

俸檔內分晰註明其武職三品以下文職七

品以下官員及支領半俸之孀婦毋庸減放

一漢世職在京當差文武各員有職任者其世職俸米准其支食若改外任卽行停支

熱河糧餉事宜

一熱河

官倉並古北口等處駐防不敷兵米由都統奏明

採買報銷

所需價銀於冬撥估餉冊內撥給

各營支領甲米

一八旗甲米按季派定月分輪放鑲黃正黃二

旗正月四月七月十月正紅正白鑲白三旗

二月五月八月十一月鑲紅正藍鑲藍三旗

三月六月九月十二月上三旗包衣應放米

石各隨本旗放米月分開放由戶部按照城

內祿米南新舊太海等七倉分派二旗城外

太平萬安等四倉分派一旗挨定倉口次序

於每月初一日預定三倉挨陳闔定廩座令

同治十三年校刊

戶部則例卷十五

倉廩

六

該三旗分往關支一旗甲米統在一倉承領
或三色米內間有一色不敷卽將別色按成
抵給不赴別倉找補仍令倉場於每月應放
之倉現存各色米數查明進倉年分月分於
開放五日前造冊報部

一每月部定倉口後卽行知查倉御史將該倉
儲米廩座查驗標封至放米之日責成該御
史率同該監督等眼同領米旗員揭去氣頭
移儲空倉再將應放之米一律放給仍令該

倉監督將各該旗所領米樣封送戶部各該
旗領米完竣將米樣送部覈對儻有不符據
實查叅氣頭米石查倉御史標封存儲俟出
糶廩底時查驗開封

一每月開放甲米定於初二日放起儻各旗滿
蒙漢各都統及副都統並管理三旗包衣健
銳等三營各大臣等或因公務另行定期統
由各該旗先期知照各倉監督預備領米之
日該都統等親自赴倉眼同御史監督及領

米叅領等闔定廠座登時開放毋庸先期闔廠如一廠不敷開放應俟一廠放竣再行另闔不得兩廠並放致滋弊混仍令將領米日期當卽報部如闔廠開放時米色果係低潮攙和卽由該都統御史公同驗明從嚴叅辦如米質本好而旗弁故意挑剔者亦一律叅辦

一各都統副都統將該旗應領米石全數領出督同叅佐領等押赴都統衙門暫卸卽行傳集各兵丁按名散給並取具叅佐領委無私賣私折切結存案如有旗弁包攬勾串舖戶囤集售賣或徑由倉役斗級等冒領將該旗弁倉役等分別送交刑部嚴行治罪

一各旗應領甲米令本旗都統副都統先期覈明所屬各佐領管領下應領米數造冊咨送戶部劄倉轉行倉場俟開倉之日令每月所放三旗之都統將該旗應領米石無論滿洲蒙古漢軍包衣共分作十五起陸續關

支每起約領十餘箇佐領管領之米仍每起更番派撥賢能章京一員領催四名並於應食米兵丁內挑派三四名令其眼同起倉領米限一月內放完限外不完將監放之都統及查倉御史並該倉監督均于議處

一稔粟抵通按照祿米等十一倉均勻分儲並令各倉另留粟米壹千貳百石以備

上駟院圈粟之用按倉分割其支領豆石每年以兩倉並劄

一開放八旗養育兵稔米做照甲米之例三倉並劄兩黃旗共劄一倉兩紅旗並正藍旗共劄一倉兩白旗並鑲藍旗共劄一倉每年按定倉口次序輪轉週而復始不得攙越並稔米抵通時于應放倉口各留稔米壹萬伍千石以備劄放

一八旗甲米應領稔米三成半項下減半折給銀兩每石按庫平銀壹兩叁錢給發該旗於每季大檔內每佐領稔米總數下註明一半

折銀若干實領一半稜米若干又另造領銀
總冊一本分晰總散各數隨米檔送部定於
每月十二日由庫開放每佐領一袋由各該
叅領出具印領彙總領出分放如趕裁不及
米石歸下季銀米檔內聲明抵扣其養育兵
每年二月內應領稜米仍按本色支領

割放承買豆石

一倉儲黑豆每值歲積充裕由部奏明准王公
官員認買價照市值隨時酌減於各員應領
俸銀隨甲錢糧內如數扣還每奏准認買之
季親王准買壹百捌拾石郡王准買壹百貳
拾石貝勒貝子玖拾石宗室公陸拾石一二
品職任官陸拾石一二品散秩官叁拾石三
品官貳拾肆石四品官拾捌石五六品官拾
貳石七品以下官陸石俟各處買豆冊檔送

齊按各衙門各旗之次序排定先後覈明應

放豆數均勻派割南新舊太海運北新萬安儲濟等六倉內

現在儲豆之倉開放仍遞年輪轉覈割如此

居前之南新倉派起下屆即自居次之舊太倉派起挨次遞輪週而復始

割放圈馬豆石

一八旗場馬回京分給官兵拴養應支黑豆令

各旗營以兵部傳知領馬之日起限十五日

內造冊咨送戶部割倉開放各倉於五日內

呈報開倉限兩月內一律放竣如逾限不完

或任令花戶等攙和滋弊將該監督照俸米

例叅處如領豆官兵無故違限不領將應領

豆石停給其豆價既於馬乾銀內坐扣不准

領回

一滿洲蒙古八旗餵養圈馬令各倉監督揀選
鮮潔米豆支放應支細數另詳兵餉門圈馬章程條如陳米陳
豆較多及以紅腐攪雜不遵駁換者該旗都
統等直驗明確將倉監督指名參奏

京通各倉驗耗附搭運免耗

一凡漕糧收耗正兌米每石收倉耗柒升尖米
肆升貳合尖上加尖耗米貳合玖勺肆抄節
開耗米叁升改兌米每石收倉耗肆升尖米
肆升貳合尖上加尖耗米壹合陸勺捌抄內
尖米一項作三十六箇月減耗外三年之外不准遞減
其餘各數均作正待支

一正兌漕糧每石原備曬颺耗米肆升柒合陸

抄嘉慶四年奏准除安徽省另有漕耗米石
津貼旗丁其曬颺耗米仍全數交倉外江

蘇浙江江西湖北湖南五省曬賜耗米內劃出貳升柒合陸抄給丁餘剩貳升交倉山東河南二省劃出壹升柒合陸抄給丁餘剩叁升交倉改兌漕糧每石原

備曬賜耗米肆升捌合叁勺貳抄嘉慶四年奏准江蘇

省照正兌之例劃出曬賜耗米貳升柒合陸抄給丁餘剩耗米貳升壹合貳勺陸抄交倉其餘各省仍照舊交倉該監督於漕糧進倉時抽驗一

二袋據實結報如微有潮濕統計除耗餘作

正待支嘉慶五年奏准江蘇浙江江西湖南湖北五省種稔米及江寧等五府州

屬粟米山東河南二省麥石如遇曬賜不敷准於價買叁升捌合餘米內撥出捌合通融抵補不得再逾此數如無須撥補仍將捌合之米歸入餘米原款內報銷餘詳漕運進倉

驗耗條內

一塔運節省耗米以及原運德州倉改兌到通

粟米均係平米槩不加耗節省耗米原係耗米故稱無耗平米

又德州倉改兌經坐糧廳折算紅斛運倉者粟米亦係無耗每石或二五加耗或一七加耗詳見漕運門該倉仍以平斛計數

驗收

一凡漕糧減耗新收儲倉不及一月者不准減

耗一月以外每石每月於原收尖米內遞減

折耗米壹合壹勺陸抄正兌改兌原收尖米各肆升貳合內

倉白粳糯米如原收耗米肆升玖合玖勺柒
 抄捌撮捌圭者每石每月准遞減米壹合叁
 勺捌抄捌撮叁圭如原收耗米貳升玖合玖
 勺玖抄捌撮捌圭者每石每月准遞減米捌
 勺叁抄叁撮叁圭通州倉白粳糯米每石每
 月准遞減米捌勺叁抄叁撮叁圭均以三十
 六箇月為止倉儲黑豆不准減耗
 一五城各廠領糶成色米石每石准報銷折耗
 米壹升

直省各倉開耗

一地糧項下額徵存倉米石奉天省地糧每石
徵收加一
 耗米作為存倉折耗及鋪墊修倉等費之用
 盛京戶部所屬之錦州甯遠鳳城岫巖
 復州等旗倉每石徵收耗米叁升以備折耗
 黑龍江城齊齊哈爾城墨爾根城三處官
 屯米石每石徵收耗米叁升存倉米石三年
 之後每石開耗壹升吉林官莊米石每石
 徵耗米叁升直隸省永平宣化二府暨易州
 以備折耗屬之廣昌縣屯糧每石
 徵收加一耗米以叁升留為山西省額徵米
 鼠耗之用柴升變價歸公山西豆大同
 湖平二府官運者每石收耗肆升以貳升為
 沿途折耗貳升為存倉鼠耗太原等府州
 屬理事通判州判倉官巡檢經營者每石收
 耗叁升同知通判州縣經營者每石收耗貳

同治十三年校刊

三都刊列卷十五

倉庫

三

升忻州每石收耗叁升定襄縣每石收耗貳升
 升榮合靜樂縣每石收耗貳升捌合均留倉
 備用福建省額徵秋屯糧米每石加一收耗又
 支放折耗餘併餘貳升共壹斗貳升內壹升為
 易穀收倉湖北省武荆襄助均谷東湖等
 升以補陝西省延安府預備倉額徵糧石廣
 折耗額徵米石每石加一收耗以備折耗
 西省額徵米石每石加一收耗雲南省額徵
 每石收耗叁常平項下存儲米穀浙江省
 升以備折耗永濟倉米石存儲一年之後每石開耗壹
 升次平每石開耗五合遞年照此開耗陝
 西省甘肅省糧石存儲二年之後三年均准
 開銷折耗之內每年每石開耗壹升

一常平倉米穀雜糧奉天省承德遼陽海城蓋
 平鐵嶺復州開原

錦州寧遠廣甯等十州縣凡肆百萬石以上
 米逾五年穀逾十年及厥座建造五年以外
 者每壹萬貳千石准開報直隸省天津北倉
 氣頭壹百石厥底貳拾石凡收儲在
 三年以內每月每石准減耗米壹合壹勺陸
 抄三年以後壹萬石以上准開報氣頭壹百
 伍拾石厥江蘇省泰州高郵通州海州常熟
 底肆拾石昭文上海南匯山陽阜甯
 清河桃源安東鹽城寶應與化寶山如阜泰
 興沐陽等二十州縣每石每年開報氣頭厥
 底壹升太倉邳州長洲元和吳縣吳江震
 澤崑山新陽華亭婁縣奉賢金山靖江金壇
 溧陽江都甘泉鎮洋嘉定銅山沛縣睢甯宿
 遷等二十四州縣每石每年准開報氣頭厥
 底五合三年以安徽省安慶池州太平廬州
 後不准再開六安泗州和州廣德

同治十三年校刊

倉庫

等八府州無為亳州壽州懷甯桐城潛山宿
松歙縣休甯婺源祁門黟縣績溪宣城南陵
涇縣寧國旌德太平貴池青陽銅陵建德東
流當塗蕪湖繁昌合肥舒城廬江巢縣鳳臺
蒙城盱眙天長五河全椒建平等三十八州
縣存儲一年者每石開報氣頭叁合貳勺
底捌勺存二年者每石開報氣頭陸合肆
勺廠底壹合陸勺三年之後不准再開

西省 義甯州武甯靖安宜春萍鄉萬載廬陵
吉水永豐永甯臨川金谿崇仁樂安東

鄉南豐新城廣昌上饒玉山廣豐鉛山弋陽
貴溪興安樂平浮梁安仁德興萬年星子都

昌建昌安義瑞昌大庾南康上猶崇義甯都
興國瑞金會昌龍南安遠石城等四十六州

縣倉穀儲及三年以外者每壹萬石准開除
氣頭穀肆拾石廠底穀拾石 南昌新建豐

城進賢清江新喻新淦峽江泰和鄱陽餘干
德化德安湖口彭澤等十五縣倉穀儲及三

年以外者每壹萬石准開除氣頭穀陸拾石
廠底穀拾貳石 南昌袁州臨江吉安撫州

廣信饒州南康九江南安等十府倉俱照
附郭首邑南昌等縣一體開報氣頭廠底

福建省 除臺灣四縣并屏南連城福安大田德
化等縣不准開報氣頭廠底外其餘各

府州縣收儲已過三年數在貳萬石以
上者每石准報氣頭捌合廠底貳合

浙江省 凡甲年買收穀石於乙年糶三糶四之外
省 尚有存七存六者每石開報氣頭叁合廠

底壹合其存七存六穀石於丙年又經糶三
糶四只存四存二者每石開報氣頭陸合廠

底貳合存半糶半之州縣將存半穀
石每石開報氣頭叁合廠底壹合

湖北省 驛鹽荊州二道倉并武昌漢陽黃州安陸荆
州等五府及江夏武昌監利等十五州縣收

儲三年以外每穀壹萬石准開
報氣頭肆拾石廠底壹拾石

湖南省 湘陰
瀏陽

同治三年校刊 三都司列卷二五倉庫

益陽永州府及所屬之零陵祁陽東安道州甯遠永明江華新田岳州府及所屬之武陵桃源辰州府及所屬之沅陵瀘溪辰谿淑浦永綏廳沅州府及所屬之芷江黔陽麻陽永順府屬之永順保靖龍山桑植等三十二府廳州縣衛收儲三年以外者每倉穀壹萬石准開報氣頭肆拾石廠底壹拾石龍陽沅江華容安鄉等四縣每倉穀壹萬石准開報氣頭陸拾石廠底壹拾貳石

陝西省 漢中府屬之甯羌南鄭等九州縣與安府并所屬之平利石泉等六縣商州并所屬之雒南等四縣收儲已過五年者每糧壹萬貳千石准報氣頭壹百肆拾石廠底叁拾伍石若未過五年及已開報過氣頭廠底一

廣東省 廣州府及所屬之莞順德新會惠州府及所屬之歸善海豐陸豐潮州府及所屬之海陽潮陽揭陽饒平惠

來澄海廉州府及所屬之合浦等縣並廣糧通判經營之省倉共二十處地屬最溼肇慶府及所屬之高要廣州府廣糧通判經營之三水廣益倉惠州府屬之河源博羅永安潮州府屬之普甯嘉應州及所屬之興甯長樂等縣共十處地屬次溼最溼之處有收儲二年之外次溼之處有收儲三年之外全未出易及出易未及糶半糶三之數者均准每千石內以三成開報氣頭廠底每百

廣西省 桂林石淮開氣頭穀壹石廠底穀肆斗

府並所屬之臨桂靈川興安陽朔永福甯甯義寧全州灌陽龍勝通判平樂府并所屬之平樂永安富川賀縣修仁荔浦昭平梧州府并所屬之蒼梧藤縣容縣岑溪懷集潯州府并所屬之桂平平南貴縣武宣南甯府屬之橫州新甯上思太平府并所屬之崇善左州養利永康甯明及該府通判柳州府并所屬之馬平雒容柳城融縣懷遠慶遠府并所屬

同治十三年校刊

五音身修卷五

倉庚

五

之宜山天河河池思恩東蘭思恩府并所屬之武緣上林及百色同知泗城府屬之西隆鎮安府并所屬之天保歸順奉議鬱林州并所屬之北流興業等六十四府廳州縣三年內全未出易及出易未及糶三之數者均准每千石內以三成開報氣頭廢底每百石准開報氣頭穀壹石廢底穀肆斗均計收儲年分開報氣頭廢底委員驗明所報米色照時價按成減價發糶秋後買補還倉

一川省打箭爐裏塘巴塘各倉存儲米石出倉支放每石開銷鼠耗伍合撥運別臺每石開銷沿途折耗壹升

新疆各倉開耗

一哈密堆儲糧石一月後每年每石開報折耗糧壹升巴里坤闡展托克遜喀喇沙爾烏嚕木齊伊犁烏什北路科布多收儲糧石於收儲一月後每石每月准開耗糧捌勺叁抄叁撮俱三年後停止

一塔爾巴哈台倉儲糧石一年後每石每年准銷耗糧壹升新糧及存儲粟糜俱不准開耗按年造冊報銷一兩金川各屯收穫糧石本屯支放存倉准開

耗伍合撥運別屯雀開折耗壹升每年將開
耗確數造冊報銷

撥運漂失米穀

一各省船運米穀凡在外洋遭風舵夫水手船
隻漂沒無踪及舟行衝礁擊碎實有形跡可
驗者取具切實供情印甘各結先行報部該
督撫將漂失米穀核實保題豁免若船已入
內港因駕駛不慎致被損擱漂沒及外洋衝
礁擊碎而無實在形跡可憑舵水生存牌照
無失者其漂失米穀著落運員行保船戶等

賠補還項

福建臺灣運兵米失水漂沒無形
跡可驗者著落行保船戶賠補

一各省船運米穀凡在內地江湖險灘遭風漂沒人力難施以致片板粒米無存或運員等出力搶救不致全失者地方官弁查明確實出具印加各結呈報督撫核實將漂失米穀保題豁免僅係內河小港因救護不力以致漂沒捏稱江河險灘朦混請免地方官扶同結報查出卽嚴叅議處漂沒米穀著落該運員等名下賠補還項

一各省採買撥運糧石經由江漢黃河偶遇風浪猝被漂失者著令辦運各員卽報明所在地方飛往勘訊明確果無虛捏別情取具承勘各官印結申詳督撫司道覈實分別題咨照例豁免如遇漂失該運官並不報明地方官將該運官照例查叅如有乘機侵盜等弊革職治罪其未經題豁之先不將漂失情形立卽勘明預報以及督撫並不嚴查確實遽行題豁者將該督撫分別議處

欽定戶部則例卷十六

倉庾二

調補監督交代

盤驗州縣交代

採買米石

京通各倉平糶

直省各倉平糶

京通各倉腳費

直省各倉腳費

同治十三年

目錄

稽查京通各倉

稽查直省各倉

欽定戶部則例卷十六

倉廩一

調補監督交代

一大通橋監督差期二年報滿由倉場侍郎於

京通各倉監督內揀選引

見調補通州中西二倉繁缺監督差期二年報滿由

倉場侍郎於京倉簡缺各倉監督內揀選咨

補二年期滿後均不得再請留任凡遇大通

橋監督及通州中西二倉監督缺出必須舊

同治十三年校刊

戶部則例卷十六

倉廩

任在一年以上者方准揀調如應揀調之倉
滿漢監督內有一員到任未過半年其已過
一年者亦不准揀調其餘簡缺各倉監督差
期三年報滿遇有缺出在

記名人員內按照俸次坐補如滿漢監督同時出缺
亦照通州中西二倉揀調之例由倉場侍郎
於別倉監督內揀選熟手一員調補其內倉
監督差期二年報滿由戶部揀選本部司員
帶領引

見補放

一各倉監督差滿如果差期內出入公平糧儲
無虧倉廩不致滲漏米色不致霉變該倉場
侍郎覈明保題請予議敘若有虧空隨時題

參

一新任倉監督接受交代將所管米石整廩驗
封零廩抽盤如有攙雜短少卽指廩揭報倉
場侍郎及查倉御史公同盤驗虧缺屬實將
舊任監督治罪勒賠凡新舊交代限兩月出

結出結後續經盤出虧缺即將新任監督指
名叅處

一各倉監督由倉場侍郎認真考覈遇有闡茸
之員隨時甄別其花戶名數按照例額招募
不准空缺每遇五年報滿更替年分照監督
交代之例將該花戶經手收放糧數查明具

結報部 同治七年奏案

一大通橋監督管理運務錢糧每於新舊更替
時由倉場委員公同查驗照京通各倉監督

之例限兩箇月交代出結造冊咨部 坐糧廳
經管通

濟庫更替交
代照此辦理

盤驗州縣交代

一州縣交代倉穀正限兩箇月伍萬石以上者

展限一月貳萬伍千石以上者展限十五日

一官而有兩任交代

一面卸任一面到任兩處離任到任同時者

及委署別任後經更調別缺者准例展之外

再展限一箇月逾者參處

司道府等官交代限期詳見庫藏門

若倉糧過多不能依限結報於交代案內聲

明量加展限報部

一凡州縣陞任本府及本府陞任本道接任之

員遵照定限交代清楚具結詳報該督撫仍飭委隣封廉幹道府前往確查加結送部若有通同弊混捏結者並予題參究處

一交代倉穀每穀壹石驗春米伍斗者新任按數接受不准節颺其以穀價交代者核明舊任原係奉文出糶糶價無虧遲買有案者准令新任詳明接受俟價平採買毋得勒指推諉外其係舊任私糶短價及雖係奉文出糶而於應買時因循不買價值存庫者新任即據實揭報舊任照例參處仍留任所勒限買

還報部

一交代倉穀虧缺新任即時揭報仍一面詳請動項照數買補一面在舊任名下勒限一年照追歸項限滿無完即移查該員家產按數變抵
一儲糧廠座令州縣造入交代項內報部若有木植燬爛傾圯滲漏者許接任官揭報將前任官議處賠修霉爛米穀勒限賠補如接任

官徇情濫受別經查出將接任官照例議處
賠修霉爛米穀亦卽勒限賠補限內不完均
照例治罪或故爲勒指及交代遲延借詞飾
報者該督撫據實題參

一直省州縣倉穀歲由該管道府州盤查結報
督撫督撫覈實加結於歲底造冊保題至督
撫適值離任卽將冊籍交代新任督撫限三
箇月盤查造冊題報如有徇隱照例議處分
賠

一藩司到任委員盤查倉穀定限三箇月清盤
結報督撫具題內除廣東甘肅二省福建臺
灣一府准其扣除程限餘皆定限三月不准
扣除惟奉天一省未經設有藩司責令該管
官按照倉儲多寡程途遠近或一月或兩月
覈查結報府尹具題

一藩司到任若與督撫同時或值督撫年例盤
查之期均歸督撫委員併案查辦

一督撫藩司到任盤查甫畢卽奉陞調計與新

任相隔在三月以內者毋庸再盤新任 如係藩司

取結詳 報督撫 具咨報部

採買米石

同治六年七月初一日具奏本日奉

上諭戶部奏遵議右贊善徐申錫積穀條陳等語前
因畿輔亢旱曾經截撥漕糧等項以備賑濟並論
直隸總督順天府府尹妥議救荒之策猶恐糧價
增昂民食缺乏江蘇浙江等省既屬豐稔即著該
省督撫迅各籌款採買糧米數拾萬石由海船運
赴天津一切經費准其作正開銷並著盛京將軍
奉天府府尹察看該處情形能採買粟米若干石

即行奏明由戶部籌款撥給趕緊購運仍均准其免稅此項採買米石俟挽運到日應如何平糶之處著戶部酌量辦理餘依議欽此

京通各倉平糶

一京畿奉

旨平糶由戶部奏撥各倉米麥按市價酌減定價令

五城分廠設正副十廠各赴倉領運應給車運腳價

見本門五城赴倉領米運腳條出糶每人每日以貳斗為率

不得逾額多糶如市價遞平官價亦奏明酌

減並請

欽點監糶滿漢大臣十員分派各司一廠會同該城

御史逐日嚴查妥辦都察院堂官亦隨時前

往各廠稽查並令步軍統領衙門選派妥幹
員弁督率兵役嚴密訪查如有奸商影射偷
糴及胥役藉端需索等弊查出從重究治夜
間並由步軍統領衙門專派營弁會同司坊
官員分廠常川住宿以防偷漏至糴賣錢文
各該城陸續解部解部期限見庫藏
門撥解定限條以備搭
放兵餉工程等項之用
一五城設廠平糴監糴各員由城內前往者限
寅正到廠在

圓明園該班者限卯正到廠令先到之員趁鄉民
未到以前妥為料理隨到隨放毋涉擁擠如
監糴大員等到廠遲延在廠御史據實奏
御史到廠遲延監糴大臣查叅

一京通倉氣頭廠底成色米石京倉米石就近
發五城通倉米石發通州各廠減價糴賣每
倉正支一廠既畢盤出成色米覈數估色聲
明原收年分由倉場侍郎委勘咨部檄行發
糴若浮開牽混勘實題奏凡京倉夏秋兩季

通倉春季支剩成色米均於十月後發糶京
倉冬春兩季通倉秋季支剩成色米均於三
四月間發糶其京倉應糶米數責令該監督
移會五城轉飭赴領本裕豐益二倉米專派
北城領糶通倉應糶米石由倉場衙門檄行
通州赴領

一五城領糶土米應令司坊官親身赴倉承領
如遇有別項公務不及親往准選妥役赴領
並呈報查倉御史查照驗放凡土米出倉時

責成查倉御史督同監督確實驗明成色給
發如花戶人等有需要索使費攪和米色等弊
立即嚴行究辦各城領到土米之後將樣米
封送巡城御史暨監糶司員於開糶時比驗
並責成巡城御史監糶司員親赴米廠一體
覈查

一五城起解糶米錢文限月之一日六日投批
月之五日十日交錢不拘糶錢多少儘數交
納通州糶米錢文隨糶隨解凡五城糶價報

銷按月截數兩月彙報由巡城御史加結咨部覈銷通倉糶價報銷由通州知州出具冊結報部覈銷

一內倉支贖芝蔴已過三年者交招買象草商人承變按照年分以實價遞減限四箇月交足價銀逾限不完於應領象草銀內坐扣歸款
一各倉盈餘土米及車道等處掃收米石在七
成以上者節颺潔淨實數歸倉作正關支六

成以下者發城糶賣價值照雍正八年以十

成覈計秬米每石壹兩稜米捌錢粟米陸錢

按成作價原例每銀壹兩每石減銀伍分道交制錢壹千文

光二年奏准每成照例價減錢貳拾文每成減錢

貳拾文合銀貳分咸豐十一年奏改均以實

銀交納除減價銀錢外仍按成作價秬米每

石交實銀柒錢伍分稜米伍錢伍分粟米叁

錢伍分所糶銀兩解部充餉統限年清年款

逾限不交除嚴追外以侵那公項論查取職

名分別議處 解銀限期銀庫
稽查另詳專條

一應發各倉成色米石倉場侍郎於部文到日
限十日內知照都察院劄知五城各該司坊
官限一月內領竣儘該司坊官遲延不領即
由查倉御史叅奏議處如倉監督勒指不行
開放由該巡城御史叅奏議處

一京通倉放完俸甲米之後將放完一廠即專
案隨時報部並將通放字號及何月日放空
於咨報氣頭廠底文內隨案聲明盤出氣頭

廠底成色米石即行呈報倉場於五日內派
員勘估該委員再於五日內估定成色結報
倉場仍照舊於十日內出咨報部如有違限
查取職名送部議處

一京通各倉開報氣頭廠底成色米石分別存
儲年分不及二年概不准揭除氣頭廠底二
年以外揭除氣頭母過壹百石廠底母過貳
拾石三年以外揭除氣頭母過壹百伍拾石
廠底母過叁拾石四年以外雖歷年多者氣

頭仍不得過貳百石廠底不得過伍拾石仍責成查倉御史於闔廠開放時據實查驗率同該監督眼同領米旗員照例揭去氣頭移儲空廠每俟放竣一廠將廠底一併另廠移儲令該御史即時標封俟出糶時查驗開封以防偷換

一五城司坊各官承賣米麥豆石在部交錢後本官親身赴部領取實收附卷存案不得私自收存併令該員於離任時將所領實收與現存米麥豆石數目列入交代文冊暨有無已解未交之項分晰具文詳城轉呈都察院咨部查覈如有不符卽行叅辦

一大興宛平二縣由京倉領運平糶米麥每石准銷折壹升自倉運送米麥至廠每石每里准給運腳制錢伍文糶賣完竣運錢回署解部車腳以及錢串等項每制錢壹千每里准銷制錢壹文又設廠處所每廠需人役二十名每名每日給飯食制錢肆拾文事竣覈

實報銷

一平糶米麥價值錢文一俟出糶完竣限兩箇月照數解部完全並將報銷清冊咨部具題查有逾限即行叅辦

一五城十廠領糶土豆應繳價銀壹兩折制錢壹千壹百文交納部庫

直省各倉平糶

一直省常平倉穀常年平糶概以存七糶三為

率其地方濕燥不同者隨時酌糶如存三糶

七則係江蘇省

麥穀兼儲之淮安徐州湖南二府海州所屬各州縣

省

龍陽沅江華容安鄉等四縣存半糶半則係江蘇省

高淳吳江震澤常熟靖江崇明長洲元和昭文崑山新陽華亭婁縣奉賢金山上海南匯金壇溧陽江都甘泉高郵寶應興化泰州太倉鎮洋嘉定寶山通州如臯泰興等三十三州安徽省安慶池州太平廬州六安泗州和縣

建德東流當塗蕪湖繁昌無為合肥舒城廬
 江巢縣壽州鳳臺亳州蒙城盱眙天長五河
 全椒建平等 浙江省 仁和錢塘海寧海鹽平
 三十八州縣 湖鎮海象山定海永嘉
 瑞安等十州縣暨 湖南省 湘陰瀏陽益陽零
 嘉松甯紹兩分司 陵祁陽東安道州
 甯遠永明江華新田巴陵武陵桃源沅陵瀘
 溪辰谿淑浦芷江黔陽麻陽永順保靖龍山
 桑植等二十五州縣 廣東省 南海番禺東莞
 岳州一衛一廳 順德新會歸善
 海豐陸豐海陽潮陽揭陽饒平惠來澄海合
 浦廣糧通判等十六州縣廳以及全數支給
 兵糧 四川省 龍安寧遠茂州等三府 廣西省
 州縣 州屬以及雷波一廳 烏程
 各州縣積儲年 存六糶四則係浙江省 歸安
 久穀色將變者 不限額數隨時出糶則係奉天貴
 德清清安 等四縣

州江西三省 不拘多寡詳驗取結准運赴隣
 省隣邑 均各造冊報部查覈

一直省如遇歲歉價昂准其逾額平糶若歲稔
 價平亦不必拘定存七糶三之例或酌糶十
 分之一二或全行停止督撫飭令地方官隨
 時酌辦報部

一直省平糶倉糧如遇歲歉價昂或應接濟他
 省必須逾額多糶數在五分以上者該督撫
 聲明緣由先行報部查覈如在五分以上者

該督撫奏明辦理總不得空倉全糶

一平糶倉穀價值豐歲每石照市價減銀伍分

歉歲減銀壹錢若歉歲米價過昂應大加酌

減者督撫確覈實須減價若干一面奏

聞一面發糶總不得過叁錢如果有必須大加酌減

情形該督撫臨時確切奏

聞請

旨遵行

一倉穀平糶凡遠鄉村鎮不能赴城廠糶買者

除江蘇安徽福建陝西四省豐年毋庸分設

在鄉各廠貴州省村寨崎嶇不便分運外其

餘各省令上司遴委佐貳雜職等官擇道路

適中之地分設各廠撥運糶賣其撥運腳費

准於糶價贏餘銀內動支

贏餘不敷或動支耗羨或動支正項

事竣造冊報銷

一州縣出糶倉穀先期將應糶數目樣數厥口

價值呈報道府核准開糶糶竣時將價銀若

干造冊送司報部其所糶價銀俱解存司庫

廣東高州雷州廉州三府屬平糶價銀解存高廉道庫瓊州府屬平糶價銀解存雷瓊道庫於秋禾登場後即將原銀發還責成知府

督飭州縣領價買補足數上倉買補事宜另詳專條盤

驗結報仍由該管道府出具有實在買補存倉

印結送司查核若未經詳明擅行開糶及捏

報平糶侵漁并藉詞價昂希圖延緩等弊分

別叅處

一倉穀出糶之時該督撫轉飭地方官嚴禁囤

戶該地方官若不嚴行查禁照溺職例議處

或有不肖州縣以糶借為名掩飾虧空該督

撫卽行指叅嚴審是侵是挪分別定罪追賠

該管道府直隸州知州有不時盤查之責如

有徇隱失察等情亦卽題叅照州縣官侵挪

錢糧知府徇隱失察例分別辦理所虧倉穀

著落賠補如道府直隸州已經揭報而督撫

不行題叅者將督撫亦照徇庇例議處所虧

倉穀亦照例分賠

一廣東省常平倉穀出糶價銀廣州韶州惠州

肇慶羅定五府州屬解儲司庫潮州高州雷
州廉州瓊州嘉應南雄連州各府州屬解儲
道庫秋成領買還倉每年於夏間將倉穀搬
晒一次以防霉變

京通各倉腳費

一京通倉每進米壹石給倉役腳價銀壹分貳

釐米毫

內抗米打厥掃厥銀肆釐打捲搭厥
銀壹釐回空記袋銀壹釐貳毫抱籌

擡斛舖厥銀柒毫拌米銀貳釐伍毫寫送循
環簿銀捌毫厚款銀伍毫拾袋車銀捌毫堆
袋房銀貳毫翻跳銀伍毫抖袋銀伍毫
俱減半核給唯本裕倉

每年進米甚少照原額十成支給至豐益倉
凡倉役腳價等項亦照本裕倉十成支給

一本裕豐益二倉開放

圓明園健銳營火器營兵丁甲米每石給該倉箇

票制錢貳拾壹文

仍照舊例

其祿米南新舊太海

運北新富新興平太平萬安裕豐儲濟等十

一倉開放在京八旗兵丁甲米每石給該倉

筒票制錢貳拾肆文

嘉慶五年奏准

以為花戶人等

飯食之用由寶泉局官為墊給仍於兵丁錢

糧檔內聲明坐扣還項

一八旗支領甲米豆石應用車輛令各該旗自

行雇用毋庸官定價值由部領印倘承辦之

人任意浮開一經告發即行嚴辦

一各廠領糶各倉成色米石領運車脚東城每

石准給制錢叁拾貳文南城每石准給制錢

叁拾叁文中城每石准給制錢叁拾肆文西

城每石准給制錢叁拾玖文北城每石准給

制錢叁拾柒文又領運本裕豐益一倉米中

東二城每石均給制錢捌拾伍文南城每石

准給制錢捌拾文西城每石准給制錢柒拾

伍文北城每石准給制錢柒拾文通州廠領

運通倉米石每石准給制錢貳拾文通廠起

戶部則例卷一
解糶米錢文赴部每制錢壹千准給車脚制
錢肆文

直省各倉脚費

一奉天省採買撥運倉糧陸路每石每里給銀壹釐貳毫水路每石每里給銀壹毫肆絲由海運至直隸天津內河每石給銀壹錢肆分一直隸省輓運倉糧無論米麥豆石雜糧陸路每石每里給脚價銀壹釐水路每石每里給銀壹毫伍絲凡採買糧石在本境買回者不給如賑糶撥運有赴隣近採買自外運至本境又自本境運至倉廩及設廠處所者准給

脚價其自通至津出口

各屬領運糧石有及因內河不能行走

運至北倉米石又自奉天等省由海運回米

石內河運脚概照水程給發

一山東省採買撥運米穀陸路每石每里給銀

壹釐水路每石每里給銀貳毫

一山西省採買撥運米穀陸路每米壹石每里

給銀壹釐每穀壹石每里給銀陸毫如遇急

需臨期酌勘情形核給脚價

一河南省採買撥運倉糧凡米粟豆石陸路每

石每里給銀壹釐肆毫水路每石每里給銀

壹毫穀稻黍稷高糧陸路每石每里給銀捌

毫水路每石每里給銀捌絲

一江蘇省採買撥運米穀陸路每石每里給銀

壹釐伍毫水路官塘大河及內河寬暢處所

每石每里給銀捌絲內河小港淺窄處每石

每里給銀壹毫

一安徽省撥運糧石陸路無為州壽州宿州亳

州泗州滁州和州懷甯望江宣城南陵涇縣

貴池銅陵建德東流當塗蕪湖繁昌合肥舒
城廬江巢縣鳳陽懷遠定遠靈璧鳳臺阜陽
潁上霍邱蒙城太和盱眙天長五河全椒來
安含山廣德建平四十一州縣每石每里
給銀壹釐六安桐城潛山太湖宿松祁門旌
德太平青陽石埭英山霍山等十二州縣每
石每里給銀壹釐伍毫歙縣休甯婺源縣
績溪等五縣每石每里給銀貳釐甯國縣山
嶺險峻難行處每石每里給銀叁釐平坦處
所每石每里給銀壹釐伍毫水路無爲壽州
泗州和州懷甯桐城望江宣城涇縣貴池銅
陵東流當塗蕪湖巢縣鳳陽懷遠鳳臺潁上
太和盱眙五河含山等二十三州縣濱江大
河每石每站給銀陸釐伍毫壹絲內河小港
每石每里給銀壹毫宿州亳州滁州廣德婺
源南陵青陽建德繁昌合甯廬江定遠靈璧
阜陽霍邱蒙城天長全椒來安建平等二十
州縣每石每里給銀壹毫六安潛山太湖宿

松欽縣休寧祁門黟縣太平石埭舒城霍山
十二州縣每石每站給銀壹分捌釐績溪寧
國旌德三縣每石每站給銀貳分

一江西省採買撥運米石陸路過山過嶺每百
斤每里給銀壹釐如一時急需撥運水遠陸

近者亦准陸路給發脚價又上倉下船每石

每里給銀貳釐照里數加減水路

凡大江大海大湖上

水下水俱以一百里爲一站其灘河下水亦
以百里爲站若溯流而上灘險難行以六十
里爲一站內河下水每石每站給銀壹分上水每

石每站給銀壹分貳釐鄱湖大江下水每石

每站給銀伍釐捌毫上水每石每站給銀陸

釐玖毫陸絲小河阻淺盤剝無論上水下水

每石每站俱照正運水脚算里數給發大河

阻淺盤剝亦無論上水下水每石每站給銀

叁釐照里數給發

一福建省採買撥運米穀陸路車運每石每里

給銀柒毫平坦挑運每石每里給銀壹釐峻

險每石每里給銀壹釐伍毫過壩盤塘給銀

伍毫水路內河小港淺窄溪灘順流每米壹石每里給銀壹毫每穀壹石每里給銀捌絲逆流每米壹石每里給銀壹毫伍絲每穀壹石每里給銀壹毫通深寬暢河道每米壹石每里給銀捌絲每穀壹石每里給銀陸絲海運自江南上海至閩每米壹石給銀玖分每穀壹石給銀陸分自浙江乍浦至閩海每米壹石給銀柒分肆釐捌毫每穀壹石給銀伍分壹釐

一浙江省採買撥運米穀陸路車運每石每里給銀柒毫平坦挑運每石每里給銀壹釐險峻每石每里給銀壹釐伍毫過壩盤塘每石給銀伍毫水路如係外江撥運每石每里給銀伍絲遇有剝淺按時酌給本省官塘大河每石每里給銀壹毫百里之外仍照外省撥運例給發內河小港每石每里給銀壹毫伍絲山溪僻運每石每里給銀壹毫伍絲

一湖北省採買撥運米穀陸路易運者每石每

戶部則例卷十六
里給銀壹釐難運者每石每里給銀壹釐伍
毫水路易運者每石每里給銀柒絲難運者
每石每里給銀壹毫貳絲

一湖南省採買撥運米穀陸路平坦每米肆斗
或穀陸斗每六十里給銀伍分山路稍險每
米肆斗或穀陸斗每六十里給銀陸分山路
最險每米叁斗或穀伍斗每六十里給銀柒
分上倉下船每石每里給銀貳釐水路大河
順水每米穀壹石每甲給銀伍絲逆水每米

穀壹石每里給銀柒絲小河順水每米穀壹
石每六十里給銀柒釐逆水每米穀壹石每
六十里給銀壹分險灘順水每米穀壹石每
六十里給銀壹分逆水每米穀壹石每六十
里給銀壹分貳釐

一陝西省撥運隣境糧石陸路西安鳳翔同州
邠州乾州等五府州每石每里給銀壹釐延
安榆林漢中綏德鄜州興安商州等七府州
每石每里給銀壹釐陸毫

靖邊定邊榆林懷遠四縣輓運軍糧

除照例給腳價外每石每里加給銀伍毫
本境採買每石每里給銀壹釐水路每石每里給銀肆毫

一甘肅省撥運糧石每石每里給銀壹釐叁毫

一廣東省採買撥運倉穀陸路平坦每石每里給銀叁釐險峻每石每里給銀肆釐車運每

石每里給銀壹釐水運下水每石每里給銀柒絲上水每石每里給銀壹毫自省海運至

高州雷州潮州瓊州四府每石給銀柒分

一廣西省採買撥運米穀陸路平坦每石每里

給銀壹釐險峻每石每里給銀貳釐上倉下

船每石每里給銀貳釐水路大河每石每站

給銀壹分伍釐小港每石每站給銀貳分

一四川省採買撥運米穀陸路平坦每石每里

給銀壹釐伍毫平坦每石每里給銀貳釐貳

毫險峻每石每里給銀叁釐大江凡三四九

十等月順水每石每里給銀柒絲逆水每石

每里給銀壹毫肆絲正二十一十二等月順

水每石每里給銀玖絲逆水每石每里給銀

壹毫捌絲其五月至八月水勢汎濫脚價隨

時酌給內河小港順水每石每里給銀壹毫

陸絲逆水每石每里給銀叁毫貳絲

一雲南省採買撥運米穀穀以一米陸路通衢二穀算

大道夫運每石每站給銀壹錢叁分伍釐馬

運每石每站給銀壹錢捌分僻處山陬夫運

每石每站給銀壹錢陸分伍釐馬運每石每

站給銀貳錢水路寬處每石每里給銀肆毫

溪河淺窄每石每里給銀伍毫貴州省採買常平米穀俱

在本境採買向不請銷運費

一奉天省海運豆石至天津押運官員每員日

給飯食銀壹錢每兵役一名日給飯食銀伍

分陸路回省日給車脚銀壹兩又每豆壹百

石准銷席片陸領秫秸貳拾束以作裝船鋪

墊

一直隸省由口外採買糧石至省准給口袋每

條賃價銀肆釐

一山東省撥運隣省糧石押運官每員日給盤

費銀壹錢跟沒每員四名每名日給飯銀伍分

一江西省撥運外省米石押運官役盤費飯食

分別水陸隨時酌給凡走長江者船戶水手

放水守空每名按日給米壹升以雇定之日起開幫之日

止其本省零星採買撥運隨雇隨裝者不給

若於本省隣省僻地遇有急需應用數多者

小船溯流盤灘而上在給脚價如撥運數多小船難雇需用原船循環裝用凡回

空行走之日全給食米

一浙江省城永濟倉無額設色斛等夫凡遇運米出倉

每石給芑夫銀壹釐斛夫銀壹釐張縵夫銀

貳毫伍絲攬肩夫銀貳毫伍絲馱夫銀貳釐

捌毫口袋賃價銀伍釐捌毫以庫平紋銀玖

叁折給其餘各省俱不請銷運費

一直隸承德府及平泉豐寧灤平等州縣運送

古北口倉米石應支運脚詳見專條每石賃用口袋一

條賃價銀兩承德府豐寧縣每條每百里給銀貳釐貳毫平泉州每條給銀

捌釐灤平縣每條給銀肆釐在於司庫節年地糧銀內動

支按年造冊報銷

一直隸遵化州薊州豐潤縣運送供支

東陵官役米豆每石每百里給脚價銀壹錢肆分草每

柒拾束用車一輛每輛每百里給脚價銀捌

錢肆分在於司庫地糧銀內動支按年造冊

報銷

一山海關領運奉天省協撥駐防兵米每石每

百里給脚價銀壹錢壹分伍釐陸毫捌絲每

石賃用口袋一條每條給脚價銀捌釐在於

司庫屯耗糶價銀內動支按年造冊報銷

一直隸省委員自奉天領運黑豆至天津海運

每石給水脚銀壹錢肆分自天津至通州內

河每石每百里給水脚銀壹分伍釐所需運

脚無論海道內河均於司庫地糧銀內動給

事竣核實題銷

稽察京通各倉

同治七年五月二十五日本部會同軍機大臣八旗都統會議倉場侍郎宋晉及御史舒明等條陳倉務一摺奉

上諭前據倉場侍郎宋晉奏請將漕糧改歸八旗存儲散放併御史舒明奏存儲米石未能妥善請飭另議及陳巖杜弊端四條當經先後降旨交軍機大臣八旗都統會同該部議奏茲據奏稱漕倉事務定例極為周備若歸八旗分別管理必致紛舛

御史舒明所奏有與現辦情形相符者其餘各條請飭倉場侍郎督飭各監督認真辦理各等語所有各倉存儲米石仍著責成倉場侍郎管理毋庸改歸八旗分管其舒明請緝拏偷竊米石匪徒各條著該管侍郎等督飭各監督認真覈辦毋得虛應故事各倉監督養廉著卽籌給十成毋庸減成支放並著隨時甄別以昭勸懲各倉花戶照例招募不准任性空缺所領口分著該侍郎酌量調濟其看守各倉旗弁兵丁各旗都統副都統務期擇

其妥實可靠者派往認真巡守並著查倉大臣御史嚴行稽查會同步軍統領衙門兵丁加意巡緝儻有偷安曠誤情事卽行從嚴叅辦餘依議欽此

一朝陽門外太平等五倉由步軍統領衙門添派北左二營將官在該倉等處上夜認真稽查如弁兵等看守曠誤稟報叅辦太平倉大萬安倉西面俱附城牆東面臨近河岸咸豐元年奏定添安堆撥

太平倉舊設堆撥五處添設十四處大萬安倉

新添八處加派兵丁分班住宿巡邏看守每屆五

日輪派都司一員住宿稽察如遇弁兵曠誤
徇隱不報一併治罪其城內七倉由查倉大
臣等輪班晝夜不時稽查如看守之旗員旗
兵等稍有偷安情事嚴辦示懲

一京通各倉並內倉一切出入存儲倉糧

欽派御史稽查一年更代期滿時將所查之倉並無
少收多放撓越庫座之處奏明交部存案奏
報不實一併議處

一稽察倉儲京倉請派御史各一人通倉御史

一人每季發米部差監放司員二人領米旗

分各差押旗叅領一人分司稽查

一御史奉派查倉除在城理訟日期外餘日前
往稽查凡御史稽察所及行知倉場侍郎倉
場侍郎不及時妥辦者指實具奏儻失察滋
弊至虧倉糧責與倉場侍郎監督分任賠補
一各倉庫座儲米無論多寡通倉由倉場侍郎
封識御史加封京倉由御史封識凡封固之
庫夏冬二季查驗重加新封

一 廠座鑰匙倉場侍郎收掌至四五六七八月
 間暫給監督管收遇大雨時行通倉呈請倉
 場侍郎御史京倉呈請御史到倉即行開驗
 應修補者隨時修補儻該監督不及時呈請
 查驗致滲漏浥爛將該監督叅辦

一 京通倉看倉官兵祿米倉旗員四人兵七十
 名南新倉旗員四人兵四十名舊太倉旗員
 六人兵四十名海運倉旗員二人兵四十名
 北新倉旗員一人兵四十名富新倉旗員四

人兵四十名興平倉旗員四人兵四十名太
 平倉旗員四人兵四十九名萬安倉旗員四
 人兵三十九名本裕倉旗員四人兵六十名
 裕豐倉旗員二人兵四十名儲濟倉旗員四
 人兵七十名通州西倉旗員二人兵一百名
 中倉旗員二人兵七十名
恩豐倉係隸內務
 府是以不載各倉
額設書攢花戶
 名數詳會典 倉外巡綽

一 各旗支領米石本旗都統副都統遇有緊要
 公事不得輪班到倉令各本旗派賢能叅領

同治三年校刊

戶部刊列卷二 倉庫

三

前往稽查儻該員等有違例滋弊都統御史

即行叅究如失於覺察查出一併叅處都統查出

御史失於覺察者將御史一併叅處御史查出都統失於覺察者將都統一併叅處

一通州兩倉凡廩座滲漏損壞及匪類盜竊等

弊除御史糾叅外通永道通永協分任稽覈

如或失察一例議處

一京倉遇有倉廩坍塌暫緩修理者由倉場待

郎赴倉督飭委員並該倉監督及該管營汛

地面官查明某廩完整處所若干殘缺處所

若干現存大小木植牆垣屋瓦各若干開單

移咨戶工二部並步軍統領衙門存案仍由

倉場衙門委員三箇月按單查對一次如有

短缺即係營汛地面看守不力由倉場侍郎

奏叅懲辦同治十年十一月奏案

一倉場衙門接准開放部文按倉按季黏疊成

卷鈐用印信與各倉所造循環簿磨對

一各倉奏繳糧解冊造送戶科察覈外錯由科

摘叅

一各倉一切供差人役承充時該監督飭取連環保結人給腰牌出入由監督點驗失察滋弊監督議處

一開放入旗米石如有米商舖戶人等將兵丁米石違禁預買者將兵丁責處仍令自行赴倉關支米石其用過舖戶銀錢不准償還儻奸商等仍敢索討或叅佐管佐等為之調停了事許兵丁等自行出首將索債人從重治罪該叅佐管領嚴行議處

一各倉米石例應分年挨放年清年款若監督經放一年米石未完卽值差滿者責令將任內原儲各年米數及已支尙存各數冊報倉場侍郎委員監盤具結咨部

一凡監督在任有將米石無故私放出廠者查出照侵盜錢糧例治罪書攢人役罪減監督一等所虧米石監督賠陸分書攢賠貳分花戶賠貳分期限一年全完限滿無完以家產

變抵

戶部則例卷三
一各倉凡值收放倉場侍郎檄調倉差記名候補人員派倉監察事竣仍回原任

一京通各倉廩座被雨坍卸該監督等不先時報明致將米石滛爛除著落賠補賠修外仍交部嚴加議處

一各倉監督責令親身駐倉分班輪流值宿晝夜周歷巡查倉場侍郎等仍隨時密行稽察儻查有曠誤立即嚴叅懲辦

一各倉存儲米石必俟盤查清楚然後派進新

漕如某倉查有虧短未經奏結即毋庸再進米石以杜掩挪仍由倉場將某倉存米實數

咨報戶部

一各倉額設章京披甲由各該旗都統揀派妥實之人親身到班認真巡守每遇收放米石之日即著值班章京披甲等協同緝拏竊米匪徒查倉御史不時到倉稽查如有偷安曠誤即行嚴叅

一各倉收放米石之日該倉官役將倉內外閒

雜人等概行禁止不准進倉如有攪亂倉務
及身後把持之人該監督隨時嚴拏懲辦

同治

七年
奏准

稽查直省各倉

一各州縣應買穀石查明詳定後或由司庫給
發價銀或動用糶存原價責成本管道府廳
州督率採買州縣照原領原糶價值散給有
穀之家交穀時監同平斛量收事竣出具印
監各結由司彙覈詳銷

一採買穀石完竣藩司派隔屬道府前往互相
盤查眼同封儲結報總督藩臬仍遇便親查
具奏以昭覈實

一各州縣領價採買穀石本管道府廳州盤驗
結報後藩司彙覈通案發銀若干採買穀石
若干詳明總督隨時具奏

一道府廳州到任時親赴各屬查明存糧廠口
出此入彼徹底盤量具結通報備案

一各州縣領價採買或因市價增長報明停緩
其原領價值應令道府廳州卽飭解繳司庫
分別存儲歸款

一倉儲穀石道府廳州盤驗後各給鎖鑰印封
如遇出借平糶以及因公動用卽申由本管
道府廳州委員監同辦理事竣仍請給發鎖
封照舊封誌如有私自動用立予詳參該管
官容隱不舉經總督藩臬查出卽將虧挪穀
石著令賠補一併參辦

一州縣實儲穀數每於年終由藩司取具道府
甘結詳明總督具奏

一每年於秋間晴爽日期將倉穀透晾一次先
期申請本管道府廳州委員監同出納以免

侵盜之弊

一州縣開倉責成同城道府監視收放至不同城之外屬州縣於收竣放竣時嚴行查覈除收倉報竣由道府委盤外其放竣以後責令各州縣將放過及實存數目即時申報本管道府道府摘出某幾州縣立委丞俸前往盤查儻有數目不符卽行嚴究揭辦

一各直省各項倉穀每年十月內該督撫將舊管新收開除實在數目造冊報部由部覈明

於次年彙題奉

旨後移咨軍機處查照

一各直省豐稔之年卽飭州縣照例糴穀收儲常平倉並將應買額穀若干石責令所屬州縣先行出示明白曉諭務須實買儲倉勿任胥吏勾串浮冒事竣仍由督撫委員盤查或州縣奉行不力或胥吏從中滋弊查出嚴行懲辦

廣雅

廣雅釋詁不似廣雅釋義

廣雅釋名不似廣雅釋義

廣雅釋音不似廣雅釋義

廣雅釋文不似廣雅釋義

廣雅釋音不似廣雅釋義

廣雅釋義不似廣雅釋義

廣雅釋音不似廣雅釋義



